

NUS laksana usaha persiap siswa bina kerjaya masa depan

BEBERAPA usaha akan dikenalkan di Universiti Nasional Singapura (NUS) mulai Ogos ini untuk mempersiap siswa bina kerjaya dan hadapi kehidupan yang pesat berubah.

Antaranya, mata bonus akan diberi kepada siswa yang memohon memasuki kursus pilihan pertama, termasuk semua program tanpa perlu wawancara.

Langkah tersebut diperkenal demi menyokong pelajar yang bersungguh-sungguh mengikuti jurusan yang mereka minati.

Selain itu, pihak universiti akan menawarkan tambahan 200 biasiswa bebas bon kepada siswa berbakat yang berpotensi.

Tambahan itu akan menjadikan jumlah biasiswa yang dikeluarkan kepada 430 setiap tahun.

Usaha sedemikian dikongsikan Profesor Ho Teck Hua, Timbalan Presiden Kanan dan Provost NUS, dalam sidang media baru-baru ini.

Profesor Ho, menerusi kenyataannya, berkata NUS akan te-

rus menyediakan berbilang saluran bagi siswa memburu minat dan mendapatkan kemahiran agar mereka akan meraih lebih banyak pilihan kerjaya setelah tamat pengajian kelak.

“Program Kolej Luar Negara NUS yang sangat popular telah diperluas ke Asia Tenggara dan Toronto, Canada, hingga siswa berharap lebih banyak peluang mengikuti program bekerja sambil belajar di tempat baru ini,” ujarnya.

Profesor Ho menambah bahawa universiti itu juga menawarkan bantuan kewangan menyeluruh bagi siswa memerlukan menerusi skim seperti pinjaman, biasiswa dan peluang bekerja sambil belajar untuk meringankan beban kos pengajian.

NUS juga memperkenal tiga program baru – Program Ijazah Serentak bersama Universiti Melbourne bagi kursus Perubatan Kedoktoran Veterinari; Sarjana Sains (Kepujian) Bidang Sains Farmaseutikal; dan

Program Ijazah Bersama dengan Universiti Dundee.

Pelajar boleh mendapatkan maklumat lanjut mengenai pendidikan transformasi NUS dan tawaran pengajian baru di Hari Terbuka NUS Sabtu, 10 Mac, di University Town (UTown) NUS.

Dalam laporan sebelum ini, siswa NUS menduduki tempat ke-16 di dunia sebagai siswazah paling dicari untuk diambil bekerja.

Dalam kajian pengambilan peker-

ja tahun lalu, hampir sembilan daripada 10 siswa berjaya mendapatkan pekerjaan dalam tempoh enam bulan selepas tamat pengajian.

“Sebagai saintis perilaku, saya sebagai ketua AI Singapura, bersungguh-sungguh mahu mempersiap penuntut kita membina kerjaya masa depan dan menghadapi cabaran kehidupan yang kian berubah.

“Saya mahu siswa NUS bersiap menghadapi masa depan dan menjadi pelajar sepanjang hayat,” ujar Profesor Ho.